

KANTON SARAJEVO STRUČNA SLUŽBA ZA ZAJEDNIČKE POSLOVE

ulica Reisa Džemaludina Čauševića br. 1 71 000 Sarajevo

ID broj: 4200667410006

i

PENNY PLUS d.o.o.

ulica Igmanska bb, 71 320 Vogošća

ID 4200162210002

zaključili su

**Okvirni sporazum o nabavci i isporuci elektro i vodomaterijala za potrebe
Kantona Sarajevo
Vodomaterijal – LOT 2**

Član 1.

- (1) Ovim Okvirnim sporazumom ugovorne strane utvrđuju prava i obaveze vezana za nabavku i isporuku **vodomaterijala i ostalog potrošnog materijala (LOT II)** iz prodajnog programa Prodavca u skladu sa ponudom broj: 05-06-2/19 od od 06.05.2019. godine, zaprimljenom pod brojem 17-14-19723 od 08.05.2019. godine, dostavljene po pozivu za ponudom za nabavku i isporuku elektro i vodomaterijala za potrebe Kantona Sarajevo.
- (2) Prodavac se obavezuje vršiti prodaju proizvoda iz stava 1. ovog člana Kupcu, a Kupac plaćati iste proizvode prema odredbama ovog Okvirnog Sporazuma, a u skladu sa cijenama koje su date u gore navedenoj ponudi, koja je sastavni dio ovog Okvirnog Sporazuma.

Član 2.

Prodavac se obavezuje da će isporuku proizvoda iz tačke 1. ovog Okvirnog Sporazuma vršiti franco skladište Kupca u roku od jednog (1) dana od dana ispostavljanja narudžbenice od strane Kupca.

Član 3.

- (1) Kupoprodaja proizvoda iz ovog Okvirnog Sporazuma obavljat će se po cijenama i kvalitetu prihvaćenim u ponudi broj: 05-06-2/19 od od 06.05.2019. godine, zaprimljenom pod brojem 17-14-19723 od 08.05.2019. godine.
- (2) Ukupna ugovorena vrijednost ovog Okvirnog sporazuma iznosi:

Ukupna cijena bez PDV-a	4.023,28 KM
PDV 17 %	683,96 KM
Ukupna cijena sa PDV-om	4.707,24 KM

Slovima: (četirihiljadestamstotina i 24/100 KM).

Član 4.

- (1) Isporuka proizvoda iz tačke 1. ovog Okvirnog Sporazuma vršit će se na osnovu zahtjeva Kupca, koji će svoje potrebe za proizvodima iskazivati kroz zahtjeve i ispostavljanje narudžbenicu za svaku pojedinačnu isporuku.
- (2) U toku trajanja Okvirnog sporazuma, ispostavljene narudžbenice će se smatrati ugovorom, bez prethodne obaveze zaključenja pojedinačnih ugovora u pisanom obliku.

Član 5.

- (1) Kvalitativni i kvantitativni prijem proizvoda iz ovog Okvirnog Sporazuma Kupac se obavezuje obaviti odmah po prijemu robe.
- (2) Ukoliko se utvrde kvantitativne razlike, odnosno utvrdi se oštećenje primljenih proizvoda, Kupac će sačiniti komisijski zapisnik kojeg će u roku od 3 dana dostaviti Prodavcu radi prihvatanja ili odbijanja reklamacije uz dostavljanje argumenata za odbijanje iste.

Član 6.

- (1) Prodavac je dužan da odmah po dobijanju zapisnika sa utvrđenim nedostacima, provjeri istinitost predočenih navoda i ukoliko se potvrdi tačnost iznesenih argumenata, dužan je „odmah“ a najduže u roku od 48 sata otkloniti nedostatke (izvršiti zamjenu).
- (2) Ukoliko to ne učini Kupac zadržava pravo da u roku od 24 sata jednostrano raskine ovaj Okvirni Sporazum i o tome pismeno obavijesti Prodavca, a isporučenu nekvalitetnu (neadekvatnu) robu vrati prodavcu.
- (3) Također, Kupac zadržava pravo jednostranog raskida Okvirnog Sporazuma ukoliko se utvrdi da prodavac ne poštuje rokove isporuke robe, odnosno ukoliko se utvrdi da Prodavac svjesno krši bilo koju ugovorenu stavku ovog Okvirnog Sporazuma.

Član 7.

Prodavac se obavezuje priznati reklamacije na kvantitet robe koja će biti popraćena odgovarajućom dokumentacijom – zapisnikom, uz obavezu navođenja broja i datuma otpremnice i računa Prodavca, kako bi se zadovoljili uslovi reklamacijskog roka od 8 dana.

Član 8.

- (1) Prodavac će fakturisati isporučene proizvode po cijenama iz ponude broj: 05-06-2/19 od od 06.05.2019. godine, zaprimljene pod brojem 17-14-19723 od 08.05.2019. godine, prihvaćene po pozivu za nabavku i isporuku elektro i vodo materijala.
- (2) Prodavac se obavezuje da će fakture za isporučenu robu ispostaviti odmah uz isporuku robe, a najkasnije u roku od jednog dana od dana isporuke.

Član 9.

Sastavni dio ovog Okvirnog Sporazuma je ponuda broj: 05-06-2/19 od od 06.05.2019. godine, zaprimljenom pod brojem 17-14-19723 od 08.05.2019. godine kroz koju je navedena specifikacija proizvoda (vodo i ostalog potrošnog materijala) koji su predmet ovog Okvirnog Sporazuma (vrste roba sa pojedinačnim cijenama).

Član 10.

Kupac se obavezuje platiti fakturu prodavcu u roku od trideset (30) dana od dana prijema fakture.

Član 11.

Ugovorne strane su saglasne da će sve izmjene i dopune ovog Okvirnog Sporazuma regulisati dodatnim ugovorom.

Član 12.

- (1) Okvirni sporazum stupa na snagu danom potpisivanja i važi do 31.12.2019. godine, uz mogućnost produženja za još jednu godinu pod istim uvjetima.
- (2) Uslov za produženje Okvirnog sporazuma je saglasnost ugovornih strana.

Član 13.

Ugovorne strane mogu jednostrano otkazati Okvirni Sporazum pismenim putem sa otkaznim rokom od 15 dana.

Član 14.

Izvršilac nema pravo da zapošljava, u svrhu izvršenja Ugovora o javnoj nabavci, fizička ili pravna lica koja su učestvovala u pripremi tenderske dokumentacije ili su bila u svojstvu člana ili stručnog lica koje je angažirala Komisija za nabavke, nadležna za dodjelu navedenog Ugovora o javnoj nabavci, najmanje šest mjeseci po zaključenju Ugovora.

Član 15.

- (1) U slučaju da ugovorna strana ne bi mogla djelomično ili u potpunosti ispuniti svoje obaveze zbog više sile, dužna je o tome odmah pismeno obavijestiti drugu ugovornu stranu.
- (2) Viša sila su svi uzroci i događaji, na koje ugovorne stranke ne mogu uticati, nisu ih mogle predvidjeti niti spriječiti.
- (3) Ako viša sila traje duže vremena, pa je time otežano ili onemogućeno ispunjavanje ugovornih obaveza duže od 90 dana, svaka ugovorna strana može raskinuti ugovor.
- (4) Ugovorna strana koja snosi posljedice više sile, dužna je na zahtjev druge ugovorne strane dostaviti dokaz o tim posljedicama.

Član 16.

Za sve sporove koje ugovorne strane ne budu mogle riješiti sporazumno, prihvataju nadležnost Suda u Sarajevu.

Član 17.

Ovaj Okvirni Sporazum sačinjen je u 4 istovjetna primjerka od kojih po dva primjerka pripadaju svakoj ugovornoj strani.



Broj: 17-14-16315-13
Datum:

Broj: PPS.F-1P-40881/2019
Datum: 20.06.2019.g.